

ÞORLÁKSHÖFN – GJALDSKRÁ ÁRIÐ 2018

Virðisaukaskattur leggst á öll gjöld

1. gr. Almenn ákvæði

Gjaldskrá þessi fyrir Þorlákshöfn er sett samkvæmt heimild í 17. gr. hafnalaga nr. 61/2003 samanber bráðabirgðaákvæði nr. 1.

Gjaldskráin er við það miðuð að Þorlákshöfn geti haft nægar tekjur til þess að standa undir rekstri hafnar samanber 3. gr., 5. tl. hafnalaga.

2. gr. Gjaldtaka tengd stærð skipa

Við ákvörðun hafnargjalda samkvæmt stærð skipa skal miða við brúttó tonnatölu skipa samkvæmt alþjóðlegu mælibréfi, sem gefið er út eftir ákvæðum alþjóðasamþykktarinnar um mælingu skipa frá 1969.

Af öllum skipum skal greiða hafnargjöld til Þorlákshafnarhafnar ef þau koma inn fyrir takmörk hafnarinnar og njóta þjónustu hennar.

3. gr. Skipagjöld

Lestargjöld:

Af öllum skipum skal greiða lestargjald kr. 14,60 á mælieiningu skv. 2. gr. en þó ekki oftar en tvisvar í mánuði.

Bryggjugjöld:

Af öllum skipum sem leggjast við bryggju skal greiða kr. 8,00 á mælieiningu fyrir hverja byrjaða 24 tíma sem skipið liggur bundið við bryggju.

Lágmarksgjald bátar 20 bt. og stærri kr. 9.270,- á mánuði. Lágmarksgjald bátar 20 bt. og minni kr. 6.210,- á mánuði. Lægsta gjald fyrir hverja komu til hafnarinnar er kr. 4.640,-. Leiga á stæði við flotbryggju kr. 11.400,- á mánuði.

Sérstakir samningar eru gerðir um skipa- og vörugjöld skv. 3. og 6. gr. vegna skipa sem eru í föstum áætlunarsiglingum með vörur og/eða fólk til og frá Þorlákshöfn.

Skútur og skemmtibátar sem koma til hafnar greiði kr. 8.380,- fyrir hverja byrjaða viku. Daggjald verði kr. 1.840,-. Heimilt er að gera sérstaka samninga vegna skúta og skemmtibáta, sem heimahöfn eiga í Þorlákshöfn.

4. gr. Vörugjöld

Vörugjald skal greiða af öllum vörum sem fluttar eru af skipsfjöl á land eða úr landi á skipsfjöl, eða úr einu skipi á annað, innan takmarka hafnarinnar, þó með þeim undantekningum er síðar getur.

Fyrir vörur sem samkvæmt farmskrá skips eru ákveðnar til annarrar, innlendar eða erlendar, en eru láttnar á land um stundarsakir (transit flutningur) skal greitt eitt vörugjald þegar vörurnar eru fluttar í land. Undanþegnar þessu gjaldi eru vörur sem láttnar eru á land um stundarsakir vegna skemmda á skipi.

Af vörum sem fluttar eru á skip og fara eiga til annarra hafna innanlands greiðist hálfvörugjald.

Vörugjald reiknast eftir þyngd eða verðmæti, með umbúðum og af hverri sendingu sérstaklega. Fara skal eftir farmskrá skipa við útreikning vörugjalds. Skipstjóra eða afgreiðslumanni skips skal láta höfninni í té afrit af farmskrá. Sé engri farmskrá til að dreifa skal skipstjóri gefa drengsskaparvottorð um vörumagn sem fermt hefur verið eða affermt úr skipi hans. Þyki hafnarstjóra ástæða til getur hann hvenær sem er látið ákveða vörumagnið á þann hátt sem hann telur hentugast. Reynist vörumagnið vera meira en upp var gefið greiðir farmeigandi kostnaðinn.

Séu fleiri en ein vörutegund í sendingu ósundurliðað skal reikna vörugjaldið eftir þeirri tegund sem hæst gjald skal greiða af.

5. gr. Vörur undanþegnar vörugjaldi

Vörur undanþegnar vörugjaldi eru:

- Umbúðir sem endursendar eru, svo sem tómir gámar, fiskkör, tankar o.fl.
- Olía vistir og aðrar nauðsynjar skipa til eigin notkunar.
- Almennar póstsendingar og farangur ferðamanna.
- Úrgangur frá skipum sem fluttur er til eyðingar.

6. gr. Vörugjaldskrá

Vörugjaldskrá:

1. fl. Gjald kr. 194,- fyrir hvert tonn; vikur, mól og önnur jarðefni.
2. fl.: Gjald kr. 362,- fyrir hvert tonn; bensín, brennsluolíur, laust korn, salt, kísilgúr, þörungamjöl, sement, áburður og úrgangur sem fluttur er til endurvinnslu.
3. fl.: Gjald kr. 578,- fyrir hvert tonn; lýsi, fiskimjöl, þungavarningur, svo sem sekkjavörur, óunnið járn og stál, útgerðarvörur, smurningsolíur, sjávarafurðir, landbúnaðarafurðir, hráefni til iðnaðar og byggingaframkvæmda, pökkuð og niðursoðin matvæli, óáfengar drykkjavörur og ávextir.
4. fl.: Gjald kr. 750,- fyrir hvert tonn; aðrar vörur en getið er í 1. fl. , 2. fl. og 3. fl.
5. fl.: Gjald 1,55%; sjávarafli lagður á land eða í skip á hafnarsvæðinu til vinnslu eða brottflutnings, þ.m.t. fiskur og seiði úr eldiskvíum. Gjaldið reiknast af heildarverðmæti aflans, þó aldrei lægra en verð Verðlagsstofu skiptaverðs hverju sinni.

Gjald af frystum afla fiskiskipa 0,80% og eldisfiski 0,80% af heildarverðmæti.

Kaupanda aflans ber að afhenda hafnarstjóra skýrslu um keyptan afla mánaðarlega t.d. afrit af aflaskýrslu til Fiskistofu.

Aflagjaldið fellur í gjalddaga um leið og afla er landað.

Kaupandi aflans innheimtir gjaldið hjá seljanda og er ábyrgur fyrir því til hafnarsjóðs þótt hann vanræki innheimtu þess.

Þegar afli er fluttur út í gámum, sér sá sem sér um útflutningin um innheimtu aflagjalds og er ábyrgur fyrir því þótt hann vanræki innheimtu þess.

Standa ber skil á greiðslu aflagjalds eigi sjaldnar en mánaðarlega.

7. gr. Hafnsögugjald

Hver ferð kr. 6,80 fyrir hvert brúttó tonn skips. Lágmarksgjald kr. 9.570,-. Hafnsaga fast gjald fyrir ferð skips kr. 3.770,-.

8. gr. Þjónusta dráttarbáts

Tímagjald fyrir aðstoð dráttarbáts miðast við brúttó stærð skips, kr. 10,30 pr. bt. Lágmarkstími fyrir aðstoð er 1 klst. Lágmarksgjald dráttarbáts er kr. 43.770,- pr. klst.

Aðstoð við skip og báta:

1. Fyrir báta sem eru undir 100 brl. að stærð.
Grunngjald kr.166.690,-
Fyrir hverja rúmlest 20-70 brl. kr.2.970,-
Fyrir hverja rúmlest 71-100 brl. kr.4.630,-
Að auki greiðist tímagjald fyrir þann tíma sem aðstoðin tekur. Tímagjald er kr. 43.770,- pr. klst. fyrir báta að 26 brl. hvort heldur er í lausakeyrlu eða drætti. Fyrir báta 26 brl. og stærri greiðist kr. 43.770,- í lausakeyrlu og kr. 53.160,- fyrir báta í drætti.

2. Fyrir skip 100 brl. og stærri.

Fyrir skip sem eigi komast til hafnar fyrir eigin vélarafli en eru þó ekki í yfirvonandi hættu, fer um greiðslur eftir samkomulagi frá 16. september 1987 milli Samsteypu íslenskra fiskiskipatrygginga annars vegar og Landhelgisgæslu Íslands og Landssambands íslenskra útvegsmanna hins vegar.

Þegar beðið er um aðstoð hafnarbátsins utan dagvinnutíma, skulu reiknaðar minnst tvær klst. sem leigutími fyrir bátinn.

Allt að fjórir menn eru í áhöfn hafnarbátsins.

Fyrir skip sem eru í yfirvofandi hættu skal þóknun ákveðin af hafnarstjórn hverju sinni.

Dráttarbátur hafnarinnar er í þjónustu og ábyrgð þess skips er þeir aðstoða frá því þeir taka við fyrirmælum stjórnenda skipsins er aðstoðar nýtur og þar til fyrirmæli eru gefin um að aðstoð sé lokið.

9. gr. Festargjöld

Festargjald pr. mann pr. afgreiðsla kr. 14.560,- í dagvinnu og í næturvinnu kr. 25.190,-

10. gr. Sorpgjöld og úrgangs- og förgunargjöld

Sorpgjöld: Bátar allt að 10 bt. kr. 1.880,- pr. mánuð. Bátar 10-100 bt. kr. 5.020,- pr. mánuð. Skip og bátar 100 bt. og stærri kr. 12.020,- pr. mánuð. Hreinsun og akstur með sorp kr. 8.360,-. Hreinsun á bryggju dagvinna kr. 3.820,-.

Úrgangs- og förgunargjöld: Skipstjóri eða eigandi skips sem óskar eftir að láta á land sorp, farmleifar, olíuleifar eða mengandi efni skal óska eftir aðstoð viðurkennds þjónustuaðila, sem höfnin hefur samþykkt að annist móttöku og förgun á ofangreindum úrgangi frá skipum á hafnarsvæði hafnarinnar.

Skipstjóri, eigandi skips eða þjónustuaðili skal undantekningalaust skila útfylltu eyðublaði til hafnarinnar um magn og tegund þess úrgangs sem skilað er á land.

Skip sem falla utan gr. 11 c. í lögum um varnir gegn mengun hafs og stranda nr. 33 frá 2004 skulu greiða þjónustuaðila kostnað vegna móttöku og förgun á úrgangi. Annist höfn móttöku og förgun á almennum úrgangi skal gjald greitt fyrir þjónustuna samkvæmt grein þessari fyrir hvern rúmmetra úrgangs. Annist höfnin móttöku á spilliefnum eða sérstökum úrgangi sem hefur í för með sér kostnaðar umfram förgun á almennu sorpi greiðir viðkomandi aðili þann kostnað sem til fellur.

Vegna skipa sem falla undir grein 11 c. í lögum um varnir gegn mengun hafs og stranda nr. 33 frá 2004 skulu skip greiða eftirfarandi:

- a. Úrgangsgjald: Við komu skips til hafna skal skip greiða 0,80 kr. á brt. Gjald þetta er til þess að standa undir eftirliti og umsýslu hafnar vegna móttöku á sorpi. Lágmarksgjald samkvæmt þessum lið er kr. 5.210 og hámarksgjald kr. 46.910.
- b. Úrgangsgjald: Gjald skv. staflið a. má lækka ef umhverfisstjórnun, hönnun, búnaður og starfræksla skips er með þeim hætti að skipstjóri geti sýnt fram á að minni úrgangur verði til um borð. Fast gjald verður þá 0,40 kr. á brt. Lágmarksgjald samkvæmt þessum lið er kr. 5.210 og hámarksgjald kr. 23.450.
- c. Úrgangsgjald: Skip og bátar sem koma oftast en fjórum sinnum til hafnar á almanaksárinu greiða samkvæmt b. lið fyrir fimmtu komu og komur eftir það.
- d. Úrgangsgjald: Skip og bátar sem eru undir 60 metra að lengd, eru ekki hafnsöguskyld og hafa varanlega viðveru í Þorlákshöfn skulu greiða fast mánaðargjald vegna eftirlits og umsýslu hafnar vegna móttöku á sorpi. Mánaðargjaldið skal vera kr. 5.210 á mánuði.
- e. Förgunargjald: Óski skipstjóri eða eigandi skips eftir að tekið verði á móti úrgangi frá skipinu skal hann hafa samband við viðurkenndan móttökuaðila skv. ábendingu hafnarinnar eða óska eftir því að höfnin annist móttöku á úrganginum. Lágmarksgjald hafnar fyrir móttöku á úrgangi er kr. 10.420 á hvern rúmmetra og að lágmarki er tekið gjald fyrir einn rúmmetra. Kjósi skipstjóri eða eigandi skips að óska eftir þjónustu viðurkennds aðila þá greiðir hann kostnað við þá þjónustu. Skipstjóri og/eða eigandi skips ber ábyrgð á að útfylltu eyðublaði um magn og tegund sorps sé skilað til hafnarinnar, en misbrestur á því getur leitt til tilkynningar til Umhverfisstofnunar.
- f. Förgunargjald: Skip sem undanþegin eru gjaldskyldu skv. 1. tl. 2. mgr. 17. gr. hafnalaga skulu eftir sem áður greiða fyrir losun sorps og förgun þess ef óskað er eftir þjónustu hafnar eða viðurkennds móttökuaðila.
- g. Skipstjóri eða eigandi skips sem fengið hefur undanþágu frá Umhverfisstofnun um skil á sorpi eða tilkynningum, skal framvísa gildri staðfestingu þess efnis.

11. gr. Rafmagn

Rafmagnsnotkun hver kWst kr. 15.00. Tengigjald kr. 2.040,-. Útkall, afgreiðsla rafmagns, utan dagvinnutíma kr. 10.010,-. Skilagjald, rafmagnsmælir kr. 52.560,-.

12. gr. Vatnsgjöld

Pr. tonn kalt vatn kr. 253,-, heitt vatn kr. 506,-. Afgreiðslugjald yfirvinna kr. 10.010,-. Fast mánaðargjald skip og bátar allt að 10 bt. 5 tonn vatn, 10 - 100 bt. 15 tonn vatn, 100 bt. og stærri 25 tonn vatn.

13. gr. Vogargjöld

Vogargjald pr. tonn kr. 219,-. Skráningargjald fyrir skráningu í Gaflinn kr. 72,50 pr. tonn. Lágmarksvogargjald kr. 1.370,-. Yfirvinna á hafnarvog pr. klst. kr. 5.010,-.

Opnunartími hafnarinnar er kl. 07:00 – 22:00 á virkum dögum og kl. 10:00 – 16:00 um helgar. Unnin yfirvinna bætist við landanir sem dragast fram yfir opnunartíma hafnarinnar. Yfirvinnuútkall bætist á landanir sem hefjast utan opnunartíma hafnarinnar. Útkallskostnaður skiptist milli aðila ef unnið er fyrir fleiri en einn samtímis. Lágmarkstími útkalls er 4 klst., annars til jafns við unnin tíma við löndun.

14. gr. Önnur þjónustugjöld

Kranaleiga hvert skipti kr. 879,-.

Tengigjald akstursbrú kr. 12.640,- pr. skipti.

Leiga fyrir geymslusvæði skal vera eftirfarandi:

Geymsla á malarsvæði kr. 46,- pr. m² á mán.

Geymsla á malbikuðu svæði kr. 98,10 pr. m² á mán.

Geymsla á veiðarfærum á hafnarköntum. Frítt fyrstu vikuna síðan kr. 3.530,- pr. sólarhring.

Geymslugjald fyrir 20 feta gám kr. 2.370,- fyrir hvern byrjaðan mánuð.

Geymslugjald fyrir 40 feta gám kr. 3.490,- fyrir hvern byrjaðan mánuð.

Geymslugjald fyrir 20 feta frystigám pr. mán. kr. 2.370,- + rafmagn.

Geymslugjald fyrir 40 feta frystigám pr. mán. kr. 3.490,- + rafmagn.

Geymslugjald fyrir nætur og troll á geymslusvæði er það sama og pr. 40 feta gám á mánuði.

Krókgámar lokaðir kr. 874,- á rúmmetra á mánuði.

Krókgámar opnir kr. 429,- á rúmmetra á viku.

Krókgámar opnir kr. 1.520,- á rúmmetra á mánuði.

Landgangaleiga kr. 4.390,- á skipti.

Nætur og troll kr. 3.490,- á skipti.

15. gr. Farþegagjald

Farþegagjald skal innheimt af farþegum skemmtibáta, farþegaskipa og annarra skipa sem hafa afnot af hafnaraðstöðu Þorlákshafnarhafnar. Gjaldið er kr. 339,- fyrir hvern farþega.

16. gr. Hafnarverndargjald

Af hverju skipi, sem leggst við verndaða hafnaraðstöðu skal greiða sérstakt öryggisgjald. Gjaldið er kr. 24.960,- á hvert skip. Fyrir öryggisvöktun skal greiða tímagjald kr. 3.820,- fyrir hvern öryggisvörð í dagvinnu og kr. 5.010,- í næturvinnu. Lágmarkstími er 4 klst.

17. gr. Innheimta og greiðsla hafnargjalda

Hafnarstjóri sér um innheimtu allra hafnargjalda og skal greiða gjöldin á skrifstofu hafnarinnar. Séu gjöldin ekki greidd á réttum gjalddögum verða reiknaðir hæstu lögleyfðu dráttarvextir á skuldina.

Skipstjóri og eigandi skips bera ábyrgð á greiðslu gjalda þeirra er greiða ber Þorlákshöfn vegna skipsins. Er skipstjóra skylt við komu til hafnar að gefa hafnarstjóra upplýsingar um skipið í samræmi við ákvæði 5. mgr., 33. gr reglugerðar nr. 326/2004 um hafnamál og afhenda hafnarstjóra þjóðernis- og skrásetningarskírteini skipsins, ef hafnarstjóri krefst þess vegna ófullnægjandi upplýsinga frá skipstjóra og hefur hafnarsjóður haldsrétt yfir skírteinum uns gjöld eru greidd. Töf og tjón sem af þessu hlýst er einvörðungu á ábyrgð og kostnað greiðanda áfallinna gjalda.

Áfallin gjöld skal greiða áður en skip fer úr höfn og engin skipstjóri getur vænst þess að fá afgreiðslu fyrir skip sitt hjá sýslumanni eða tollstjóra, nema að hann sanni með vottorði frá hafnarstjóra að hann hafi greitt gjöld sín til hafnarinnar.

Vörugjöld af vörum sem koma til hafnarinnar fellur í gjalddaga þegar skipið sem vörurnar flytur er komið í höfnina og vörugjald af vörum sem fluttar eru úr höfninni fellur í gjalddaga þegar vörurnar eru komnar í skip. Skipstjóra og afgreiðslumanni skips er óheimilt að afhenda vörurnar fyrr en gjaldið er greitt.

Öll gjöld samkvæmt gjaldskrá þessari má ávallt tryggja með aðför að undangengnum dómi.

Skipagjöld eru tryggð með lögveði í viðkomandi skipi eða vátryggingarfé. Gengur það veð í tvö ár fyrir samningsveðkröfum sbr. ákvæði 2. mgr. 21. gr. hafnalaga nr. 61/2003. Þorlákshöfn er heimilt að krefjast frekari trygginga fyrir greiðslu áfallinna gjalda ef ástæða þykir til.

18. gr. Virðisaukaskattur

Öll gjöld í gjaldskrá þessari eru án virðisaukaskatts. Þorlákshöfn er skylt að innheimta virðisaukaskatt af öllu gjöldum í gjaldskrá þessari, sbr. 3. tl., 3. gr. laga nr. 50/1998 um virðisaukaskatt.

19. gr. Gildistaka

Gjaldskráin var samþykkt í hafnarstjórn Þorlákshafnar 6. desember 2017 og staðfest af bæjarstjórn Sveitarfélagsins Ölfuss 14. desember 2017.

Gjaldskrá þessi gildir frá og með 1. janúar 2018.

Hjörtur B. Jónsson, hafnarstjóri